

مجموعه آجودانیا

۱۷ نجی سنہ

ربیع الاول ۱۳۱۴

جزو، عدد : ۵۹





عدد و سرعت

استقبال ، ترقی .

بو ایکی کله مترادف المعناد لر .

ترقی ، عقل بشرک اشتغالات دائمه سنده افکارک حرکت ابدیه سندن بشقه برشی دکلدر .

افکار ، — سرمایه گبی — حرکت و مبادله ایله تضاعف ایدر .

ایچنده یاشامقده اولدیغیز — زمان — ک علامت فارقه سی — بارقه مثال — سرعتدن عبارتدرکه ، هر ترقی آنکله توسع واستکمال ایدرک جهانک اکی خفی کوشه سینه قدر انتشار و ثمرات نافعه سنی ایصال ایلر .

بسیطه شمسیه ایله قوم و صو ساعتلرینک اختراعی آره سنده احتمالک بر ویا ایکی عصر گذران ایلشدر . هارون الرشیدک شارمانه گوندردیکی هدیه قیمتدار ایله — که یک نازک بر آلتدن عبارتدر — صو ساعتک اختراعی آره سنده اقلی بیات منه حساب ایتمک لازم گلور . یرلی ساعت دینلان رقاصلی جسم ثقیلک جیب ساعتی حالته تحوولی ایچون یدی یوز سنه لک بر زمان ایجاب ایتمشدر . توروجرک یومورطه سی عنوانیه معروف اولان اسکی جیب ساعتلرینک بساطت و تسطح ایله زمانمزده کی شکل ظریفی اخذ ایده یلمسی ایچون تاریخ ولادتندن اعتباراً اوچ عصر یکمیشدر .

نه ترقی بطاشکارانه ! قریستوف قولومب بیوک اندلری تحری ضمننده استعمال ایتمک ایسته دیکی زمان ، بوصله ، کشف ایدیله لی ایکی بیات سنه نی تجاوز ایتمش ایدی .

هانکی تاریخده اولدینی معلوم دگلسده طوب باروتی چینده کشف اولمش
و دردنجی عصرده اورویا په کلش اولدینی حالده آنجق سکر طقوز یوز سنه صکره
طوب اعمال ایدلمشدر !

طوبک آرکه بوزه ، آرکه بوزک چاقاقلی تفنکه ، چاقاقلی تفنگک اسلحه .
حاضریه تحوّل ایچون صنایع اول قدر بطاشله طی مسافه ایتمشدرکه (به یاردای
اولدیرن آرکه بوز ایله قولت روولورینک اختراعی بیننده اوج عصردن زیاده بر
زمان کچمشدر .

اوج بیگ سنه بی متجاوز بر زماندن بری عدسه اعمالیله اشتغال اولدینی حالده
آلات بصریه - اسلحه ناریه کی - بر بطاات سرسری پسندانه ایله نقطه استکمالاته
طوغری قطع منازل ایشدر .

عصرمزک کشفیاتی ایسه ییلدیرم قطاری ایله حرکت ایدیور . اوائلده مخترع
- اڭ یقین اقرباسندن بیله منفرد اوله رق ، - باشلی باشنه بر شخصدن عبارت
ایدی . کندی ایله زمانی آره سنده جهالت ، خطایای رسمیّه و مذهبیه نڭ ایقاع
ایلدیکی بیگ درلو موانع ممتنع العبور موجود ایدی .

بر « حقیقت » کشف ایتک ایچون آشیله حق موانع طاقتکداز یالڭز بونلردن
عبارت دگل ایدی : حقیقت مکشفوفه یی آڭا دائر ذره قدر فکرلری اولمیان
اشخاصه آڭلاتمق ، خطیبات اوزرینه تأسیس مبنا ایلکله اشتهار ایدن جماعات
مقتدره عتیقه یی آنی قبول ایتدیرمک ، الحاصل اڭ کوچک برداغ ، اڭ اوفاق بر
ایرمغک لایتغیر بر صورتده تفریق ایدوب بر طرفنده کی نوع بشرک دیگر طرفنده
بولانلرک وجودندن خبردار اوله مدینی بر زمانده جهانک هر برکوشه سنه نشر و اشاعه
ایلک لازم گلیوردی .

زمان نه قدر تحولاته اوغرا دی ! بوگونکی کونده اقوام مختلفه بر برلری طانیو-
رلر ، بر برلری ایله منتظماً مغایره ایدیورلر : بر فکرک دور عالم ایده ییلسی ایچون
بر آیلق بر مدت بیله لازم دگلدر .

مخترع چوللرده نطق بردازلق ایتک مجبور دگل ؛ اغزینی آچار آهاز فنون

حاضرہ بی ادراک مقتدر، ہر درلو مسائلہ متعلق معلوماتہ آشنا، صورت حلری یارم کلمہ ایلہ مدرک اولان تخمینا ایک یوز بیٹ متفنن استماع و احاطہ ایدہ بیلور . حتی غیرت ترقی اول درجہ تھم ایتشدردکہ بعضاً دکر ایلہ بر بردن تفریق ایدلمش بولنان ایک مدقق بر موعده تلاقیاری اولمدینی حالہ یکدیگرہ مصادف اولیورلر . کندیسینک اکتساب شان و شہرتہ بادی اولان بر اصول سایہ منندہ برفرانسز بر نجم جدید کشف ایدیور ؛ ینہ او آندہ میدانہ بر انگلیز آتیلہرق آنکله موفقیتکارانہ اشتغال ایتشدکہ اولدینی اثبات ایدیور ؛ ینہ او انساده بریکلر سرد براہین ایلہ مشغول ایکن آمریقائی بر ہیئتشناس چیقرہرق « کاشف حقیقی » اولدینی اعلان ایلہ فضل تقدیمی احراز ایدیور .

وجودہ کنوریلان ہر ترقی تحریات جدیدہ ایچون اس الحركات اولیور : بالجلہ صنایع و معارف مراقیلری، مشتاقلری، حریص و مفتونلری موقع وقعہیہ شتاب ایدہ مدرک تحقیق ایلدکن و تصادف اولنان مشکلاتی بر ہمت موانع بر اندازانہ ایلہ آشدقدن صکرہ یکیدن اشتغالات و تعقیبات غیرتکارانہ لرینہ دوام ایدیورلر . الٰہ نازک، دقیق، الٰہ نافع بر ماکنہی ایجاد ایدیگر ؛ اگر آنک احتوا ایدہ بیلہ جکی کافہ استکمالاتی دفعہ اعطا و استحصال ایدہ مزہ کز حتی او آندہ طوفان استکمالانہ مستغرق اولہ جغکزدن امین بولمالیسکزر .

سعی، کرۂ ارض اوزرنندہ ، انسانک الٰہ بیوک قانونیدر . قانونلر ایسہ — مونٹسکیونک تعبیر لطیفی و جہلہ — طبیعت اشیدان عبارتدر .

— انسال متعاقبہ نک سعی میدانہ لایتقطع آفاق جدیدہ چیقاربور .

ایشہ بوسبیلہ درکہ سیاسیاتدہ و خصوصیلہ فن حربدہ — حدث استقبال — آمرک، حقیقہ بو نامہ مستحق اولان ذاتک خاصہ ابتدائیہ سی گبی تلقی اولمخیدر .

حرب گیتدکچہ اقوام فاضلہ نک و باخصوص اورویانک مشغلہ دائمیہ سی حکمنہ ارتقا ایدیور . بناء علیہ ایچندہ یاشامقدہ اولدیلغز عصرک ثلث اخیرندہ صاعقہ نثار دہشت اولان حربلردہ اسباب مظفریات نهدن عبارتدر ؟ ایشہ بو دائمی غالبلر طرفدن اولجہ ، فعلہ چیقارلمش، قبول ایدلمش بر فکر جدیددرکہ، مغلوبلر تنزل ایتماکدہ و یا فنا طانیقہ درلر .

زهره ك سفاین حربیه ایلك تطبیقاتك ثمره سی « قین بورن » در ؛ بیولی
 طوپلارك مبدأ ظهوری « سولقه رینو » در ؛ جواهر متفقهك (مہر عاقلك) حكومات
 شمالیه بحریہ سہ قارشو موفقیاتی ، سن لؤئی وقونغرہ سفینہ لرینك برقاج ثانیہ
 ظرفندہ غرق اولیشی موزلرك قدرتی اثبات ایدر ؛ « آلاباما » ك مظفرانہ
 یاریشلری ، مؤخرأ « هو آسقار » و « ئونیون » ك فتوحاتی ہر یردہ حاضر
 بولمہنی ، ممتنع الجرح اولمہنی انتاج ایدن « سرعت » قدرت و اہمیتی ارانہ ایدر ؛
 آلمانیا دولتك اتحادینی تأسیس ایدن « صادووا » ایگنہلی تفنكلكرك غلبہ سیدر ؛
 ایكنجی امپراطورلنی عدم آباد نسیانہ آتان « سدان » قوای جسمیہك ، سریع
 سفر برلكك فوائد لاتخصاسنی حقیلہ اظهار و اعلان ایلدی .

اولہ بیوك موفقیات ایچون بویلہ كوچك سبیلر غریب دگملی ؟

فی الحقیقہ پاسقالك قوم دانہ سندن دہا بیوك و فقط ناقابل مؤاخذہ ، مثبت بر
 مسئلہ دركہ — بالجلہ قوانین فون ترصدا ت اوزرینہ تأسیس ایتدیگی گبی — صنعت
 حرب ویا دہا طوغریسی فلسفہ حربیہدہ آكسا نظراً تأسیس ایلیدر .

زمانزدہ بالجلہ صنایع و حرفتك علامت كاشفہ سی ایسہ ذكای بشرك اختراعات
 مكررمہ سی سایہ سندن وجود پندیر اولوب ، ناقابل فراغت بر درجہدہ اہمیتی ، لزومی
 اولان آلات و ادواتك متبادیاً استكمالات و تجدداتی در .

صنعت حربدن بحث ایدیلہ جك اولورسہ اختراعات جدیدہ اہمیتلرینسہ نظراً
 برطاقم تبدلات ویا انقلاباتی انتاج ایدركہ ، بو اختراعات ك اول قبول ایدن ملت
 ایچون عادتا « كفالت رحمان » مقامنہ قائم اولور .

عجبا بوتبدلاتی فہم ایتدیرہ جك و حین حاجتدہ طریق تخریادہ رہبر اتحادینہ
 مساعد اولہ جق صورتدہ بر قانون عمومی موجود دگمیدر ؟
 ایشتہ بونی تفحص و تدقیق ایدہ جگزر .

محمد رشدی